

2009-miit 2012 ilanngullugu

KNR-ip aamma Naalackersuisut angusaqarnissaq pillugu isumaqatigiissutaat

1. Isumaqatigiissummi matumani killiliussat

Isumaqatigiissummi matumani 2009-miit 2012 ilanngullugu atuuttussami Kalaallit Nunaata Radioata (matuma kingorna KNR-imik taaneqartartussaq) killiliussat suut malillugit sulissanersaq aamma KNR-ip suliasat suut suliarissaneraanik naatsorsuutigisat erseqqissaatigineqarput.

KNR-ip Namminersorlutik Oqartussat aningaasaliissutaasa iluini KNR-imik ingerlatsineq pitsanngorsassavaa tamannalu ilutigalugu nuna tamakkerlugu innuttaasunik kiffartuussineq pitsanngorsarlugu taamaalillunilu qaammarsaanermut, ilinniartitsiner-mut, eqqumiitsuliornermut aliikkusersuiner-mullu tunngasunik (innuttaasunik kiffartuussinermi pisussaaffiit) tv, radio aamma internet assigisaalluunniit aqutigalugit pilersorneqarnissaat qulakkiissallugu.

Isumaqatigiissut radiukkut aamma tv-kkut aallakaatitsisar-neq pillugu Inatsisartut peqqussutaat nr. 6, 14. novembari 2004-meersumi § 30, imm. 1-imik tunngaveqarpoq tassanilu Naalackersuisunut ilaasortap nalinginnaasumik oqartussaaffiginngisaanik KNR pisortat suliffeqarfiutigigaat namminersortoq aalajangersarneqarpoq.

KNR-imi siulersuisui inatsimmi isumaqatigiissummilu matumani killiuliussat aalajangersarneqartut iluini aallakaatitsinernik pingaarnernik aqqissuussinissamut akissussaaffeqarpoq.

KNR-imi siulersuisut inatsimmi isumaqatigiissummilu suliasatut oqaatigineqartunut nunatta karsianit aningaasanut atugassiissutigineqartunut tamakkiisumik killeqanngitsumillu oqartussaaffeqarput.

Isumaqatigiissut nuna tamakkerlugu isiginnaartartunut aallakaatitassiornermut tunngavoq, radiukkut aamma tv-kkut aallakaatitsisar-neq pillugu Inatsisartut peqqussutaat nr. 6, 14. novembari 2004-meersumi §§-it 20 – 27 takukkit, taamaattumillu

KNR-ip allanik aallakaatitassiorneranut tunngassuteqarnani, Inatsisartut peqqusutaanni § 29 takuuk.

KNR-ip aallakaatitassiorneranut, tassunga ilanngullugit suliassat aningaasaqarnermut aaqqissuussaaneermullu aamma naammagittaalliuutinut tunngasut KNR-imut ileqqoreqqusani aalajangersarneqarput.

2. KNR-imi takorluukkat suliassallu

KNR-imi siulersuisut 2009-mi novembarip ulluisa 19-ani ataatsimiinnerminni KNR-imi takorluukkat suliassallu tullinnguuttut makku akuersissutigaat:

Takorluukkat

KNR nuna tamakkerlugu isiginnaartartunik kiffartuussisuuvoq nukittoq inuiaqatigiinnik imminnut atalersitsisoq nunatsinnillu nunarsuarmi tamarmi ilisimaneqalersitsisoq.

KNR suleqatigissallugu pilerinartuuvoq sulisullu ilippanaatitik ingerlaavartumik ineriartortinnissaannut periarfissaqartuutarput.

Suliassat

KNR-imi kiffartuussineq pingaarneq tassaavoq nuna tamakkerlugu isiginnaartartunut aallakaatissanik siammarterineq, tassa imaappoq tusagassiuutitigut elektroniskiusutigut kalaallisut qallunaatullu nutaarsiassanik, qaammarsaanernik, ilinniartitsinernik aliikkusersuinernillu aamma siunissaq ungasinnerusoq eqqarsaatigalugu nunarsuup sinnerani aallakaatitassianik kiffartuussinissat paarlaasseqatigiittarnissallu siunertaralugit tuluttut.

Aammattaaq KNR-imi aallakaatitassiat kiffartuussinerillu kalaallit oqaatsitsinnik, kulturitsinnik kinaassutsitsinnillu nukittorsaasut amerlasuut neqeroorutigineqarnissat qulakkeerneqassaaq.

Innuttaasut inuiaqatigiinni ineriartortitseqataanissannut periarfissanik nukittorsaanissamut KNR tunngavisseeqataassaaq.

KNR pitsaassutsinik tamatiguussutsinillu tunniussisuussaaq. KNR-imi paasissutissii-sinnaatitaaneq killeqanngitsumillu isumannik anitsisinnaatitaaneq ataqqineqarput. KNR-imi suliassanut ilisimasaqassuseq aamma arlaannaanulluunniit attuumassuteqannginnissaq pingaarnertinneqarpoq.

KNR-ip eqqumiitsulianut kulturimullu tunngasunik amerlasuunik aallakaatitsisarnini ilisarnaatigaa aammalu kalaallit inuiaqatigiit kalaallit soqutigisaat amerlasuut qanoq iliuuseqarfigisarlugit.

KNR-imi aallakaatitassianik tusarnaartartunik isiginnaartartunillu aliikkusersorneqarluarnertik pissutigalugu piffissamik puigortitsisartunik aallakaatitsisoqartarpoq.

3. Siammarterineq

KNR-ip nuna tamakkerlugu isiginnaartartunut aallakaatitassiat radiukkut, tv-kkut, tekst tv-kkut aamma internetikkut aallakkaatitassavai atugassanngortittarlugillu. KNR ullumikkut nuna tamakkerlugu isiginnaartartunut aallakaatitassianik imatut siammarterisarpoq:

- Tv-kkut aqut ataaseq: KNR (radiokæde qaammataasallu iluaqutigalugit UHF-kanal, Ultra Høj Frekvens (maligaasat)),
- Radiukkut aqut ataseq: KNR (radiokæde qaammataasallu iluaqutigalugit FM; Frequence Modulation(maligaasat)),
- Mellembølgekkut aqut ataaseq (AM, Amplitude Modulation),
- Nassitsissutikkut 3815 kHz-kkut Tunup avataani kilisaatinut,
- Internet aamma
- tekst-tv.

Tv-mik aamma DVB-T-mik digitaliusumik siammarterineq Tele Greenlandimit atuut-sinneqalerpat taamatut nassitseriaaseq isumaqatigiisummi matumani allattaavisuarnut ilanngunneqassaaq.

4. Aningaasaliineq

Radiukkut aamma tv-kkut aallakaatitsisarneq pillugu Inatsisartut peqqussutaat nr. 6, 14. novembari 2004-meersumi § 35 naapertorlugu KNR-ip aallakaatitsisarnera nunatta karsianit tapiissutinik, piseqqusaarutinik, aallakaatitassianik aningaasaliiffigineqartunik allatullu aallakaatitsinermi isertitanik aningaasalerneqassaaq.

KNR-ip nammineq aallakaatitassiornernik aamma kalaallisut aallakaatitassianik allanik aallakaatsisarneq salliutillugu allaffissornermut aningaasartuutit sapinngisamik ikilisartussaavai.

Angusassat pillugit isumaqatigiissuteqarfiusumi KNR-imut aningaasaliissutit matuma ataani tabel 1-imi takuneqarsinnaapput, tassanilu kisitsisit 2009-mut tunngasut naatsorsuutini kisitsisaapput angusat. 2010-mut kisitsisit 2010 pillugu Aningaasanut inatsimmik tunngaveqarput ukiunulli tulliuttunut kisitsisit tassaallutik akit nikerar-nissaattut naatsorsuutigisanut takussutissat (Aningaasat pillugit 2010-mut inatsisi-lionnermi akit nikerarnerat 1,56%-inut inissinneqarsimavoq.

Isertitat, ukiumut (tkr.)	2009-mi piviusunngora-tinneqartut	2010-mut Aningaasat pillugit inat-sit	2011	2012
Nunatta Karsianit aningaa-saliissutit	59.873	59.631	60.600	62.000
Isertitat allat	5.872	6.900	7.000	7.000
Isertitat katillugit	65.745	66.531	67.600	69.000

Tabel 1. KNR-ip 2009-mi isertitai, 2010-mut aningaasat pillugit inatsimmi missingersuutigineqartut aam-ma ukiuni missingersuusiorfiusuni akit nikerarnissaannik naatsorsuutigisat.

Matuma ataani tabel 2-mi KNR-ip 2009-mi ukiunilu missingersuusiorfiusuni akissar-sianut ingerlatsinernullu allanut ilanngaait peereerlugit aningaasartuutaanut takus-sutissaq takuneqarsinnaavoq.

Aningaasartuutit , ukiu-mut	2009-mi piviusunngor-tinneqartut	2010	2011	2012
Illup avataaneersut ilan-ngunnagit akissarsiat	42.800	42.000	42.800	43.700
Ilinniaqqittarnerit qaffasinne-rusumillu ilinniakkat	350	700	700	700
Ingerlatsinernut allanut ani-ngaasartuutit, aningaasanut aningaasartuutit ilanngunna-git	24.240	23.100	23.600	23.900
Aningaasartuutit katillugit	67.390	65.700	67.000	68.300

Tabel 2. KNR-ip 2009-mi, 2010-mi ukiunilu missingersuusiorfiusuni akissarsianut ingerlatsinernullu alla-nut ilanngaait peereerlugit aningaasartuutai, – 1.000 koruuninngorlugit.

Qulaani siuumoortumik allatani 17 mio. koruuninit akilersuisusaatitaalluni akilersui-nermi 1 mio. koruuninik ukiumut karsimiittuuteqarnissamik KNR-imut piunasaqaat.

2009-mi KNR-ip 2007-09-mi qaangiuttoornisiassanut akiliutai, taamaattumik 2009-2010-mi akissarsianut aningaasartuutit ikilipput.

Utaqqiisaasumik ineqarnernut aningaasartuutit 1,8 mio. koruuninik amerlassuseqartut Namminersorlutik Oqartussanut nuunneqarmata ingerlatsinernut allanut aningaasartuutit 2009-mit 2010-mut ikilipput, maannakkut utaqqiisaasumik inissianik ingerlatsineq Namminersorlutik Oqartussanit isumagineqarpoq. Nunatta Karsianit aningaasaliissutit taamatut amerlatigisunik ikilisinneqarput.

KNR-ip 2010-p ingerlanerani – kingunnerpaamilli 2011-p qeqqani – suliassanik aningaasanut atortunik aallakaatitassiornernillu aqutsissutinik nutaanik atuilernikkut aningaasartuutit eqqortumik misissoqqissaarneqarsinnaasunngorlugit suliarisinnaa-lerumaarai isumaqatigiisummi illua ´tungeriit siunertaraat, taamaalillutik nammineq aallakaatitassianut aningaasartuutit eqqornerusumik nalilersorneqarsinnaaniassamata.

5. Piffissap ingerlanerani radiumi tv-milu ukiumut nalunaaquttat akunneri atorineqartut

Tabel 3-mi matuma ataani allaaserineqartunik aallakaatitassianik KNR-imut minnerpaaffissatut aallakaatinneqartussaataasut.

	2008-mi piviusunngor- tinneqartut	2009	2010	2011	2012
Allat kalaallisut aallakaatitassiaannik aallakaatitsinerit					
Radio	205	300	300	300	300
TV	18	18	18	18	18
KNR-ip radiukkut nammineq aallakaatitassiai					
Meeqqanut inuusuttunullu	295	154	154	154	154
Eqqumiitsuliorneq kulturilu	1.521	1.610	1.406	1.406	1.406
Nutaarsiassat aamma soqutiginartut	826	487	487	487	487
Ilinniartitsinerit	18	18	18	18	18
Peqqissuseq	21	21	21	21	21
Katillugit	2.951	2.290	2.086	2.086	2.086
KNR-ip Tv-kkut nammineq aallakaatitassiai					
Meeqqanut inuusuttunullu	38	38	38	38	38
Eqqumiitsuliorneq kulturilu	73	73	73	73	73
Nutaarsiassat aama soqutiginartut	132	132	120	120	120
Ilinniartitsinerit	8	8	8	8	8
Peqqissuseq	19	19	19	19	19
Katillugit	270	271	259	259	259

Tabel 3. Ukiuni 2008-miit 2012-mut aallakaatitassianut aatsaat aallakaatinneqartunut nalunaaquttap akunnerat ukiumut atorneqartartut, nalunaaquttap akunneratut oqaatigineqartut.

KNR-imut aningaasaliissutini radiukkut tv-kkullu qanoq amerlatigisunik aallakaatitsisoqarsinnaanersoq killilerneqartarpoq.

2010-mi KNR-imi qaangiuttoornernut sippuinerit unitsinneqarsinnaasimapput taamaattumillu aningaasaliissutit taama amerlatigitillugit 2009-mi atorneqarsimasut nallerneqaqqissinnaassanngillat, aningaasaliissutit amerlineqanngippata. Taamaattumik Qanoruup aasaanerani qaammatini marlunni aallakaatinneqarunnaartarnera atuutsiinnarneqassaaq aamma qaammatini marlunni taakkunani sapaatit akunneranut ataasiarluni Aasaannaleqaaq aallakaatinneqartassaaq.

Soorlu tabel 4-mi takuneqarsinnaasutut najukkanit aallakaatitassiorfinnit radiukkut aallartinneqartartut amerlisimapput. Tassami najukkani radiut 2009-miit ulluinnarni nalunaaquttap akunnerani ataatsimi sapaatillu akunnerata naanerani nalunaaquttap akunnerata affaani ilanngutassianik tunniussaqaqartalerata. Taamaattumik 2008-mi nalunaaquttap akunneri 205-iniit 2009-mi ukiunilu missingersuusiorfiusuni 300-nut amerleriarsimasut takuneqarsinnaavoq.

Inuusuttunut aallakkaatitassiaq 'Inuusuttut' pillugu Paarisamik suleqateqarneq 2008-mi unitsinneqarpoq. Taamaattumik nalunaaquttap akunneri atorneqartut 2008-mi 295-iniit 2009-mi 153-inut ikilipput.

'Itisiliineq' aamma 'Nyhedsmagasinet' 2009-mi upernaakkut aallakaatinneqanngillat. Nalunaaquttap akunneri tamakku Inatsisartunut qinersineq aamma Namminersorluni Oqartussaanerup eqqunneqarnera pillugu aallakaatitassianut atorneqarput.

6. Internetikkut kiffartuussineq

KNR-ip nittartagaa www.knr.gl 2010-p aallartinnerani suliassani aaqqissuussinermut tunngasuni atortunik nutaanik atortulerlugu nutaamillu ilusilerlugu nutaanngorlugu saqqummersinneqarpoq. Tassunga ilanngullugu aallakaatitassiat ingerlaavartumik saqqummersinneqartartut atuisartunik sunniuteqaqatigiissitsisartut arlallit.

KNR-imi kiffartuussinernik assigiinngitsunik ineriartortitsineq ingerlateqqinneqassaaq soorlu nutaarsiassanik, paasissutissanik aallakkaatitassianut tunngassuteqartunik, meeqqanut inuusuttunullu, isiginnaartartunik kiffartuussinerit, tusarnaartartunik kiffartuussinerit, oqallittarfiit, attaveqatigiinnerit allallu atuisartunik peqataaffi-

gineqartut aamma aallakaatitassiat assitallit, nipitallit allagartallillu. Imarisat tamakku qarasaasiani isaaffinniluunniit angallattakkani aaneqarsinnaanngorlugit siammartinneqarsinnaasunngorlugillu KNR-ip atugassiissutigissavai.

7. Pissuserissaarnissaq

Ukiukitsut illersorneqarnissaat pillugu Inatsisartut peqqussutaat nr. 6, 15. novembari 2004-meersumi § 21 naapertorlugu aamma radiumi tv-milu pilersaarutit aningaasaliinerillu pillugit Namminersornerullutik Oqartussat nalunaarutaanni nr. 8, 5. juuli 2006-meersumi §§ 19 -26-ni aalajangersakkat unioqqutinneqannginnissaat KNR-imi nakkutigineqassaaq.

8. Elektroniskiusumik toqqortuinerit

Aallakaatinneqartartut kingulissatsinnut qulakkeerneqarnissaat pillugit aallakaatinneqarsimasunik toqqortuisarnerit digitalisererneqarnissaat siuarsarniarlugit avataanit aningaasaliisussanik KNR ujaasiniarpoq aammalu elektroniskiusumik toqqortat innuttaasunit inatsisit malillugit killilimmik pissarsiarineqarsinnaasarnissaat, tassunga ilanngullugu piginnittussaataaneq pillugu inatsit, siunertaavoq.

9. Upalungaarsimaneq

Radiumi tv-milu aallakaatitsisarneq pillugu Inatsisartut peqqussutaat nr. 6, 14. novembari 2004-meersumi § 16, imm. 1 naapertorlugu upalungaarsimanissamut pingaarutilinnik innuttaasunut nalunaarutininik aallakaatitsisussaataavoq.

10. Isumaqatigiissutip malinneqarnera

Ukiut makku siuliini nuna tamakkerlugu isiginnaartartunik kiffartuussineq qanoq piviusunngortinneqarsimanersoq pillugu KNR-imi nassuiaasiortoqassaaq. Nassuiaat radiukkut tv-kkullu aallakaatitsisarneq pillugu Inatsisartut peqqussutaat nr. 6, 14. novembari 2004-meersumi § 28-mi allaaserineqartumi piumasaqaatinik naammassinnittussaasoq, Naalakkersuisup suliassa qarfiini akisussaasunit naliliiffigineqarnissaa siunertaralugu tassunga kingusinnerpaamik apriliip ulluisa aallaqqaataani nassiunneqassaaq.

Tamatuma saniatigut isumaqatigiissummi nuna tamakkerlugu isiginnaartartunut pissaaffiit allat pillugit KNR-imi nassuiaasoqartussaavoq, tamanna Naalakkersuisup suliassa qarfiini akisussaasut piumasarippassuk. Aallakaatitassianik immikkoortiteri-

nermi allannguutit pingaarutillit pillugit KNR-imit Naalakkersuisup suliassaqrifiini akisussaasut ilisimatinneqassapput.

Kukkunersiuisut Inatsisartunit akuerineqartut ilaata nuna tamakkerlugu isiginnaartartunik kiffartuussineq pillugu nassuiaammik paasissutissat naatsorsuutitut tunngasut eqqortuunersut aamma nassuiaammik nalilersuinermi pingaarutilinnik kisitsisit paasissutissiissutigineqartut allat naammaginaruunissaat misissortussaavaat.

11. Isumaqatigiissutip atuuffiata sivisussusia

Angusassat pillugit isumaqatigiissut ukiut sisamakkuutaarlugit isumaqatigininniutigineqartassaaq isumaqatigiissullu manna 2009-mi januaarip ulluisa aallaqqaataaniit 2012-mi decembarip ulluisa 31-ata tungaanut atuuppoq.

Isumaqatigiissummi allannguutit isumaqatigiissutip atuuffiata nalaani KNR-ip aamma Naalakkersuisut isumaqatigiissutigisinnaavaat. Isumaqatigiissutip isumaqatigininniutigeqqinneqarnissaa qaammatinik arfinilinnik sioqqutsilluni nalunaarutigineqassaaq aammalu pissutsinik immikkut illuinnartunik tunngaveqassalluni.

Nuuk, ulloq, 2. juli 2010.

Peter Jensen
KNR-imi siulersuisuni siulittaasq

Mimi Karlsen
Naalakkersuisoq